

**Վարչական տույժ նշանակելու մասին**

«23» հունիսի 2021թ

ք. Սիսիան

Ես՝ ՀՀ ՊԵԿ Հարավային մաքսատուն-վարչության պետ Հայկ Միրզոյանս, ուսումնասիրելով Իսպանիայի քաղաքացի Դոլորես Ռոդրիգեզի Մարտինի (Իսպանիա, ք.Մալագա, անձնագիր՝ PAL228476) կողմից մաքսային կանոնների խախտում կատարելու վերաբերյալ նյութերը,

**Պ Ա Ր Զ Ե Ց Ի**

23.06.2021 թվականին Իսպանիայի քաղաքացի Դոլորես Ռոդրիգեզի Մարտինին ենթարկվել է մաքսային զննության, որի արդյունքում բացի հայտարարագրված 10 հազար ԱՄՆ դոլարի նրա մոտ հայտնաբերվել են 5190 եվրո (6105 դոլար) և 1500 ԱՄՆ դոլար չհայտարարագրված կանխիկ դրամական միջոցներ:

Նշված փաստի առթիվ ՀՀ ՊԵԿ ՀՄՎ ՄՄԿ բաժնի 4-րդ բաժանմունքի մաքսային տեսուչ Ժ/թ-ի կողմից 23.06.2021 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 203-րդ հոդվածի հատկանիշներով, այն է՝ Հայաստանի Հանրապետության մաքսային սահմանով տեղափոխվող **ապրանքները** և տրանսպորտային միջոցները **չհայտարարագրելը** կամ ոչ իրենց անվամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը:

ԵՏՄ Մաքսային օրենսգրքի 260-րդ հոդվածի 7-րդ կետի համաձայն՝ մաքսային հայտարարագրման ենթակա են կանխիկ դրամական միջոցները և (կամ) ճանապարհային չեկերը, եթե Միության մաքսային տարածք միանվագ ներմուծման կամ Միության մաքսային տարածքից միանվագ արտահանման ժամանակ այդ կանխիկ դրամական միջոցների և (կամ) ճանապարհային չեկերի ընդհանուր գումարը գերազանցում է ուղևորային մաքսային հայտարարագիրը մաքսային մարմին ներկայացնելու օրվա դրությամբ գործող **փոխարժեքով 10 հազար ԱՄՆ դոլարին** համարժեք գումարը:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական վարույթի նյութերի ուսումնասիրությունից պարզվում է, որ Իսպանիայի քաղաքացի Դոլորես Ռոդրիգեզի Մարտինի արարքում առկա է ՀՀ մաքսային օրենսգրքի 203-րդ հոդվածի 1-ին մասով սահմանված մաքսային կանոնների խախտում: Ընդ որում, կատարված իրավախախտման կատարվածի արդյունքում մաքսային վճարներ չեն առաջացել:

Ելնելով վերոգրյալից և ղեկավարվելով ՀՀ մաքսային օրենսգրքի 203-րդ, 206-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

### Ո Ր Ո Շ Ե Ց Ի

1. Իսպանիայի քաղաքացի Դոլորես Ռոդրիգեզի Մարտինին ՀՀ մաքսային օրենսգրքի 203-րդ հոդվածի 1-ին մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **50000 ՀՀ դրամ**:

2. Որոշման մասին հայտնել Իսպանիայի քաղաքացի Դոլորես Ռոդրիգեզի Մարտինին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է.

**900005024055՝ 5 0 0 0 0 ՀՀ դրամ, նշել 30 կողք:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅ ԿՐԻՏՈՅԱՆ